



United Way of Massachusetts Bay's  
**Pididu di Parsiria li (RFP)**

Prupostas kompletu debe ser aprizentádu através di bazi di dádus di jiston di subsidius di United Way, Survey Monkey Apply (Smapply), ti 5 ora tardi EDT na dia 14 di Julhu di 2023



United Way of  
Massachusetts Bay



United Way of  
Massachusetts Bay

### Indisi

Sobri United Way (2)

Opurtunídádis di  
Finansiamentu (3)

Foku Jiográfiku y  
Populacional (3)

Sirvisu Diretu (4)

Pulítika Publiku (6)

Parsiria y Mudansa di  
Sistémás (7)

Lujístika, Apoiu y  
Análizi Kumunitáriu (9)

Indikadoris (11)

## Apanhadu

Na Abril di 2023, United Way of Massachusetts Bay (United Way) lansa un novu stratéjia organizasional fokadu na promoson di un rijion ikunómikamenti justu – *un na undi ki asésu a opurtunídádis finanseru é universal e prosperidádi é konpartilhádu entri rasas y etinias*. Kel-li é un trabadju isensialmenti kolaborativu; finansiamentu di organizasons sen fins lukrativu é un elementu xávi. Kel dokumentu li ta intrudizi foku di United Way pa prósimu séti anu y ta da un prósimu pasu pa kenha ki sta djobe un finansiamentu novu ô kontinu, inkluidu ditalhis sobri opurtunídádis di finansiamentu imediatamenti dispunivel.

### Distákis di un Parsiria United Way

- Finansiamentu sen ristrison ki ta apoia sustentabilidádi
- Opurtunídádis pa dizinvolve kapasidádi kuletivu di rijion, através di aprendizájen di kel ki sta ta funsiona y dimensiona-l
- Un konpromisu partilhadu ku mudansa di sistémás y kolaborason ki ta putensia spiriénsia di várius parseru na movimentu pa justisa finanseru
- Foku na Inkluzon Ikunómiku y Konstruson di Rikeza; Prugramas di Edukason Pré-Skolar y Piriudu Extra Skolar; Edukason y Perkursus y Prufisional pa Adulisentis y Jovens Adultu; y Abitason Siguru y Istável
- Ku foku na Boston (numiadamenti Dorchester, East Boston, Hyde Park, Mattapan y Roxbury), Cambridge, Chelsea, Haverhill, Lawrence, Lowell, Lynn, Malden, Quincy, Revere, Salem y Taunton


**Undi ki bu ta kumesa:** Pájina di internet pa kandidatura y [Furmuláriu di Ilijibidádi](#)

Kel RFP li sta na Kantonés, Kriolu Kabuverdianu, Kriolu di Haiti, Mandarin, Purtugés, Spanhol y Vietnamita.



United Way of  
Massachusetts Bay

REQUEST FOR PARTNERSHIP 2023



## Vizon: Avansu di Justisa Ikunómiku

United Way of Massachusetts Bay (United Way) ta didika a prumuson di un rijion ikunómikamenti justu, undi ki asésu a opurtunidádis é universal y prosperidádi ta konpartilhádu entri tudu rasa y etinia. Nu ka txiga na kel vizon li di forma prisipitádu. El nasi di nós konpromisu ku kumunidádi y pesoas – tudu es – informádu, xeiu di rikursu y dinámiku. Tanbé el ta rizulta di rikunhisimentu ma na nós rijion ta pirsisti dizigualdádis signifíkativu entri rasa y etinia na indikadoris fundamental di ben istár finanseru.

Avansu di justisa ikunómiku é un vizon i xpansivu. United Way sentra nós foku na kuartu via pa ben istár finanseru.

### Vias pa Ben Istári Finanseru

**Inkluzon Ikunómiku y Konstruson di Rikeza:** Promove ben istár y inkluzon finanseru, através di disponibilizason di sirvisus, rikursus y firamentas ki ta djuda individus aumenta rendimentu, konsigi kréditu y poupana y riduzi divida.

**Edukason Pré-Skolar y Piriudu Extra Skolar (EEOST):** Disponibiliza prugramas di edukason pré-skolar y di priudu extra skolar di altu kualidádi ki ta primiti kon ki kuidadoris trabadja y proporsiona kriansas y jovens opurtunidádi di prende, prospera y iexplora ses interesí.

**Edukason y Perkursus Profisional pa Adulisentis y Jovens Adultu:** Ingajamentu di adulisentis y jovens adulto ku idádi entri 16 y 24 anu, ki sta diskonektádu di skola y di trabadju, na edukason y perkursus profisional.

**Abitason Siguru y Istável:** Aumenta disponibilidádi y asesibilidádi di abitason siguru y istável y sirvisus asusiadu.

Duranti pandimia di COVID, fika bastánti klaru ma kes kuartu via pa ben istár finanseru ta sustenta y ta apoia ikunomia di nós rijion. Na prósimu seti anu, trabadju di United Way ta bai foka na torna kes kuartu via li más asesivel, prinsipalmenti pa pupulasons ki ten sidu istórikamenti marjinalizádu en rilason a es. Kel-li ta bai iziji mudansa di sitémas, investimentu na rikursus y sirvisus, dizinvolvimentu di ividénsias di kuzé ki ta funsiona y di kuzé ki meste muda y trae sulusons en iskala.

### Un Inpíritivu pa Promove Justisa Ikunómiku

United Way ta dizinpenha tré papel na promoson di justisa ikunómiku. **Nu ta txiga na pesoas di tudu setor** – menbrus di kumunidádi, inprizáriu, organizasons sen fins lukrativu y disizoris pulítiku– y nu ta djobe konstrui vontádi publiku y promove ingajamentu na kistons más urjenti na rijion. **Nu ta kontribui pa konstruson di movimentu**, através di influensia di narativas pulítiku y publiku. **Nu ta invisti rikursu ki nu ta arekáda na parsirias voltadu pa inpaktu ku organizasons sen fins lukrativu**, inxpan di prugamas konprovádu, apoia koligasons izistenti y dizinvolve rispostas rizilienti a krizis. Nós midjor é oras ki nu ta apruveita puder di kumunidádi y nu ta konekta nós parseru un ku kelotu. Djuntu nu ten intenson di aborda rais di dizigualdádi, através di kriason di mudansas duradoru a nivel di pupulason di nós rijion.

Invés di nu trata sintomas di injustisa, sima pobreza y instabilidádi finanseru, United Way ta foka na mudansa di sistemas y pulítikas ki ta perpetua kes diigualdádi. Na Aneksu A, bu ta bai atxa alguns indikador ki nu sta ta monitora. Kes-li e ka uniku indikador ki nu ta monitora – nen es é ka midjor indikador di ben istár jeral. Nu intantu, es ta indika forma modi ki nós ikunomia ka sta ta kunpri prumesa di inkluzon. Es ta djuda na ten informason sobri sulusons ki ta bai aumenta vias pa ben istár finanseru.

## Opurtunidádis Atual di Finansiamentu

Ku kel Pididu di Parsiria li (RFP), United Way sta djobe identifika un konjuntu di organizason pa un investimentu plurianual y sen ristrison, ku foku na sirvisu diretu ô atividádis di pulítika publiku. Sekson siginti ta diskreve pupulasons y prioridádis kumunitáriu y ta midjor difini sirvisu diretu y atividádis di pulítika publiku ki nu ta bai finansia. Nu ta privé opurtunidádis di finansiamentu adisional pa inpaktu kuletivu y ason di bazi na futuro, ben komu otus inisiativa pa novus parseru di sirvisu diretu ô di pulítikas publiku na terseru y kintu anu.

United Way ta spera uza kel formatu li duranti séti anu, ku ajustis pa más ô pa menus na terseru y kintu anu. Subvensons inisial ta bai ten un durason di dós anu, ku siginti montantis anual:

- Organizasons di sirvisu diretu: \$50.000, \$100.000 ô \$200.000
- Organizasons di pulítika publiku: \$50.000 ô \$100.000

### Pupulasons Prioritáriu: *Investimentu na Pesoas*

United Way ta bai invisti na organizasons ki ta foka na pupulasons ikunómikamenti vulnerável— ki sta trás di ben istár finanseru apizar di un istóriu di obstáculus sistemátiku rilasionádu ku rasismu. Nu ta bai da prioridádi pa investimentus na organizasons fokádu na pupulasons Pretu y Latinu y nu ta bai prioriza más inda investimentus na organizasons ki ta sirbi pesoas ku diversus spiriénsia di vida ki ta djunta ku rasa y etinia pa kria inda más bareras strutural. Nu ta aprizenta izénplus di kes diferenti spiriénsia li na tabela di atividádis a sigir.

Para alén di kela, nu ta bai invisti na konstruson di un lideransa diversifikádu na nós rijion, dandu prioridádi pa finansiamentu di organizasons ki ta dimonstra inpenhu na diversidádi, igualdádi, inkluzon, sentimentu di perténsa y justisa através di un lideransa riprezentativu. Tanbé nu ta bai da prioridádi pa organizasons liderádu pa Pretus, Latinus y lideris y kuadrus sénior

multirasial; organizasons ku stratéjias klaru pa ilimina lakunas di igualdádi entri rasas y etinias; y lideris ki dizinvolve un kultura di kolaborason baziadu na transparénsia y risponsabilidádi.

### **Kumunidádis Prioritáriu: *Invisti na Lugar***

United Ways sta inkorporádu pa sirbi un rijion spisífiku. Nós rijion é grandí, inkluindu Greater Boston y grandí parti di eastern Massachusetts y pesoas di nós rijion ten risponsabilidádi di promove prosperidádi konpartilhádu na ses bairu y kumunidádi. Txeu di kes kumunidádi li dja ten txeu tenpu ta sufri ku subinvestimentu na ben istár di ses rizidenti y, pa ultrapasa kel problema li, United Way ta bai konsentra se finansiamentu na un konjuntu di 12 kumunidádi prioritáriu kit en sidu partikularmenti prijudikádu pa subinvestimentu, u ki é sentidu através di ses konsentrason ilevádu di pobreza. Es é ***Boston (numiadamenti Dorchester, East Boston, Hyde Park, Mattapan y Roxbury), Cambridge, Chelsea, Haverhill, Lawrence, Lowell, Lynn, Malden, Quincy, Revere, Salem, y Taunton.*** Na total, kes 12 kumunidádi li ta akolhe dós tersu di pupulason di nós rijion ki ta vive baxu di limiar di pobreza, u ki ta tornas árias kritiku pa foka investimentu ku obietivu di promove prosperidádi konpartilhádu.

- **Pa ser ilijivel pa finansiamentu pa sirvisu diretu,** kandidátus debe ten un lugar di sirvisu na un ô más di kes kumunidádi prioritáriu ô ten maioria di partisipantis di prugrama ta rizidi na kumunidádis prioritáriu.
- **Pa ser ilijivel pa finansiamentu pa sirvisu diretu,** kandidátus debe ingaja un numeru signifikativu di pesoas ki ta rizidi na kumunidádis prioritáriu na dizinvolvimentu y difeza di mudansas.

United Way ten rilasons konsolidádu na otus sidádi y munisípiu tanbé. Nu ta bai kontinua ta istabilese parsirias ku es di otus forma, inkluindu trabadja na koligasons y isforsus di planiamentu rijional pa aumenta disponibilitádi di kes kuantu via pa aumenta ben istár finanseru.

### **Atividádis di Sirvisu Diretu**

<b>Kandidátus ilijivel é organizasons sen fins lukrativu ki ta presta un ô más di siginti sirvisu:</b>	
<i>Inkluzon Ikunómiku y Konstruson di Rikeza</i>	<p>Sirvisus individualizádu ki ta pirmiti menbrus di kumunidádi atinji ses obietivu finanseru y alkansa ben istár finanseru. Atividádis ta inklui coaching finanseru, kriason di kréditu y kriason di ativus ku enfazi na sirvisus integrádu ku prugramas di dizinvolvimentu di mon di obra.</p> <p><i>Pupulasons Prioritáriu: Pesoas ku rendimentu y patrimoniu limitádu y otus ki ta luta pa ten istabilitádi finanseru, sima imigrantis, rifujiadus y pesoas sen dukumentu; trabadjadoris ku saláriu baxu, inkluindu edukadoris di ensinu pré-skolar y extra-skolar y alguns funionáriu di organizasons sen fins lukrativu; adulisentis y jovens adultu, spisialmenti kes ki sta diskonektádu di skola/formason/trabadju; indivídu sobrikaregádu ku kustus inkonsibivel di abitason, sirvisus infantil ô dividas.</i></p>

<p><i>Edukason Pré-Skolar y Prugramas pa Piriudu Extra-Skolar</i></p>	<p>Edukason Pré-Skolar y Prugramas pa Piriudu Extra-Skolar ki ta apoia dizinvolvimentu saudável y edukason di kriansas y jovens. Atividádis ta inklui sirvisus infantil pa bebés, kriansas pikinoti y kriansas na idádi pré-skolar y prugramas pré y pós skola y di veron pa jovens na idádi skolar.</p> <p><i>Pupulasons Prioritáriu: Pesoas ku rendimentu y patrimóniu limitádu, ben komu pesoas ku asésu limitádu a prugramas EEOST, sima imigrantis, rifujiadus e pesoas sen dokumentu; dizalojádus ô ku instabilidádi abitasionall; involvidus ku sistémas sima Dipartamentu di Sirvisus Juvinil (DYS), Dipartamentu di Kriansa y Familia (DCF) ô tribunal.</i></p>
<p><i>Edukason y Perkursus Prufisional pa Adulisentis y Jovens Adultu</i></p>	<p>Pugramas ki ta ingaja y apoia jovens entri 16 y 24 anu, ki sta diskonektádu di skola y di trabadju, na edukason y perkursus prufisional. Atividádis ta inklui dizinvolvimentu di mon di obra, prugramason di edukason, coaching y sirvisus rilasionádu.</p> <p><i>Pupulasons Prioritáriu: Jovens ki sta ta pasa pa dizalojamentu ô instabilidádi abitasionall; involvidus ku sistémas sima sistéma judisial, DYS ô DCF; grávidas ô kuidadoris; imigrantis y rifujiadus, inkluindu individus sen dokumentu; difisientis; neurodiverjentis; LGBTQIA+.</i></p>
<p><i>Abitason Siguru y Istável</i></p>	<p>Intervensons ki ta interonpe siklu di instabilidádi abitasionall y ta kontribui pa torna dizalojamentu un kuza raru, brevi y ka rikorenti. Atividádis ta inklui sirvisus di privenson y istabilizason alinhádu ku un mudelu Housing First (Moradia en Primeru Lugar).</p> <p><i>Pupulasons Prioritáriu: Individus, famílias y jovens ki sta na risku imidiátu di fika sen moradia ô ki sta ta pasa pa siklu traumátiku di instabilidádi abitasionall y situason di dizalojamentu, sima vive na un situason di "mora djuntádu" ô sta ixtremamenti sobrikaregádu ku kustus; kenha ki ten un nisisidádi kompleksu di sirvisus, sima kuidádus di saúdi; y kenha ki stiver involvidu ku sistémas, sima DYS, DCF, ô involvidu ku tribunal.</i></p>

## Atividádis di Pulítika Publiku

<b>Organizasons finansiadu na duminiu di pulítika publiku ta bai ingaja na atividádis ki ta inklui:</b>	
<ul style="list-style-type: none"> <li>• Elaborason di sulusons pulitiku ku bazi na spiriénsia di kumunidádi y na otus ividénsias di piskiza.</li> <li>• Mobilizason y dinamizason di individus y kumunidádis pa influensia prioridádis y pulítikas publiku.</li> <li>• Alterason di stratéjias di pulítikas publiku, propursionandu opurtunidádis di lideransa pa menbrus di kumunidádi ku spiriénsia vividu.</li> <li>• Difinison di diskursu publiku através di sensibilizason pa kistons ki United Way sta ta aborda.</li> <li>• Konstruson pa sulusons, através di fasilitason di kolaborason entri setoris pa difende mudansas na pulítika y na prátika.</li> <li>• Konstrui kunhisimentu partilhádu sobri kapasidádi di sistéma, dimanda y inpaktu na pupulasons ikunómikamenti vulnerável, através di kolaborason ku ajénsias publiku y piskizadoris pa torna dádus rilevanti más asesivel.</li> </ul>	
<b>Kes atividádi di pulítika publiku li ta bai foka na un ô más di kes siginti obijetivu:</b>	
<i>Inkluzon Ikonómiku y Konstruson di Rikeza</i>	Promove inkluzon ikonómiku y konstruson di rikeza, sima aumentu di asésu a opurtunidádis di kréditu y poupanza pa kumunidádis disfavorisidu y aumentu di pruteson kontra prátikas finanseru tendensiozu.
<i>Edukason Pré-Skolar y Prugramas pa Piriudu Extra-Skolar</i>	Aumenta kualidádi, asesibilidádi y kustu di prugramas EEOST, difende un investimentu publiku adikuádu y riduzi pezu di kustus pa familias di forma sustentável.
<i>Edukason y Perkursus Prufisional pa Adulisentis y Jovens Adultu</i>	Ilimina bareras pa edukason y karera pa kes joven más marjinalizádu, inkluindu kes ki ta vive na situason di dizalojamentu ô di instabilidádi abitasional; involvidu ku sistémas sima sistéma judisial, DYS ô DCF; grávidas ô kuidadoris; imigrantis y rifujiádu, inkluindu kes sen dokumentu; difisientis; neurodiverjentis; LGBTQIA+.
<i>Abitason Siguru y Istável</i>	Promove sulusons ki ta kontribui pa términu y privenson di fenómenu di dizalojamentu, sima ixpanson di asésu a abordájens preventivu y abitasons a presu más asesivel, djuntu ku sirvisus kordenádu pa pupulasons marjinalizádu.

## Parsiria United Way

Parsiria senpri foi un parti fundamental di United Way. Nu ta valoriza parsiria pamodi nu sabe — y nu foi fundádu na kel idéia — ma organizasonss é más ifikás oras ki es ta trabadja en grupu pa atinji un konjuntu kumun di obietivus. Promove justisa ikunómiku a nivel pupulacional, ta iziji trabadja en grupus, kria un ajenda komun, toma mididas kuletivu y kordena atividádis pa promove mudansa sitemátiku. Na sekson siginti, nu ta difini árias di mudansa di sistémas ki nu ta bai monitora en kolaborason ku nós parseru, karakteristikas ki nu ta djobe na putensial parserus y maneras modi ki United Way ta planeja kontribui komu parseru.

### Mudánsa di Sistémas

United Way ta bai finansia organizasons ki ta trabadja pa alkansa justisa ikunómiku y impulsiona ses programa y rikursu pa kontribui pa mudansa di sistémas. Kes organizason li ta bazia ses propi susésu na susésu di ses kumunidádi y ta difini ses papel na abordájen di kauzas fundamental di injustisa ikunómiku. A sigir nu ten splikason rizumidu di árias di mudansas di sistémas ki nu ta bai kunpanha y modi ki parsirias entri United Way y organizasons sen fins lukrativu pode afeta mudansa na kes ária.

- **Vizibilidádi di Justisa Ikunómiku:** Promove konprienson en rilason a kistons di igualdádi é fundamental pa konstruson di vontádi publiku pa kria sulusons ki ta promove justisa ikunómiku. Pa aumenta sinsibilizason pa kistons di igualdádi, United Way ta faze parsiria ku organizasons sen fins lukrativu ki ta partilha di nós vizon pa justisa ikunómiku, ki ta uza konsistentimentu inkuadramentu di ativus na ora di diskreve ses trabadju y ta kontribui ku kel mensájen pa diskursu publiku.
- **Vós Kumunitáriu:** Valorizason di vós di kumunidádi é fundamental pa atinji un mudansa signifikativu a niver organizasional y di sistémas en rilason a justisa ikunómiku. United Way ta faze parsirias ku organizasons sen fins lukrativu ki ta ingaja menbrus di kumunidádi na tomada di disizon y ta garanti ma pirspetiva y spiriénsia di kumunidádi ta ser integrádu na konsepson y implimentason di programa. Es ta facilita oportunidádis pa menbrus kumunitáriu pa dizinvolve komu lider y partilha ses spiriénsia ku disizoris pulitiku.
- **Utilizason y Partilha di Dádus:** Justisa ikunómiku só é pusivel oras ki parserus disizoris ta faze parsiria ku kumunidádi pa rikolhe y uza dádus di kualidádi pa kria y midjora kontinuamentu programas y sirvisus. United Way ta faze parsirias ku organizasons sen fins lukrativu ki ten un kultura di uzu di dádus y ividénsias pa informa ses propi operason y pa difende un midjor asesibilidádi di rikursus y inpaktu na kumunidádi. Spiriénsia di pesoas ki es ta pritende djuda é un fonti fundamental di dádus y evidénsias.
- **Kordenason, Koperason y Kolaborason:** Promoson di justisa ikunómiku ta iziji pa instituisons di tudu sistema y setor partilha vizon y trabadja djuntu pa rizolve problemas. United Way ta faze parsiria ku organizasons sen fins lukrativu ki ta kolabora rigularmentu ku inisiativas intersetorial y redis ku ajénsias publiku, instituisons kumunitáriu sima skolas ô ospital, koligasons bazi di rizidentis, inprezas ô organizasons filantrópiku. Kes organismu di kordenason li ta asegura ma rikursus y sirvisus ta ser uzadu di forma a promove justisa ikunómiku di manera más sustentável, ifikás ô ekuitativu.



- **Finansiamentu y Rikursus ki ta Ixpanði y ta Sustenta:** Pa aumenta sustentabilidadádi di intervensions ifikás y di isforsus di mudansa di sistémas, United Way ta istabelese parsirias ku organizasons sen fins lukrativu ki ta alinha ses isforsu ku otus pa aborda kauzas profundu y difende fontis di finansiamentu novus y ixpandivu pa aumenta y sustenta kes suluson di kolaborason.
- **Pulítika, Prátika y Kapasidádi di Sistéma:** Mudansa di leis, regulamentus, pulitikas y prátikas prijudisial é un konponenti isensial pa avansu di justisa ikunómiku. United Way ta faze parsiria ku organizasons sen fins lukrativu ki ta implimenta y difende pulitikas y prátikas ki ta torna Inkluzon Ikunómiku y Konstruson di Rikeza, Edukason Pré-Skolar y Prugramas di Piriudu Extra-Skolar, Edukason y Perkursus Prufisional pa Adulisentis y Jovens Adultu y Abitason Siguru y Istável más a sesivel pa pupulasons ku istóriku di marjinalizacion.

Komu parseru na kes isforsu li, nu ta tensiona uza nós rikursu organizasional pa riuni frikuentimenti sirvisu diretu y organizasons di pulítika publiku, entri otus, pa siginti atividádis:

- **Dizinvolvimentu di Dumíniu:** Riuni organizasons ki ta trabadja na un kiston kumun y ki ta identifika atividádis y/ô garanti investimentus ki ta konduzi duminu pa midjor rizultádu ó inpaktu a nivel dimensional.
- **Piskiza y Aprendizájen:** Istabelese rilasons a longu prazu ku instituisons di piskiza ki ta foka na konprienson y na konstruson di ividéncias sobri vias pa ben istár finanseru y na formulason di rikumendason pulitikas ó prátikas.
- **Pulítika:** Lidera ó partisipa na koligason y isforsus kuletivu pa promove mudansa na setor publiku.
- **Kontruson di un Narativa Pulitiku:** Rilata stórias ki ta konstrui vontádi publiku di justisa ikunómiku através di distáki di aspirason y kriadividádi di nós kumunidádi y bareras ki es ta infrenta na asésu a via spa ben istár finanseru.
- **Vós Kumunitáriu:** Kria oportunidádis pa pupulason y kumunidádis prioritáriu da ses kontribuison na atividádis di planiamentu di prugramas y pulitikas y insentiva menbrus di kumunidádi a rikolhe dádu sobri ses kumunidádi ki pode molda disizons rilasionadu ku prugramas y pulitikas.

## Lujistikas di Kandidatura y Apoiu

**Etápa 1:** Kel RFP li é abertu pa tudu organizasons kandidátu sen fins lukrativu dispôs di kompleta un furmuláriu di ilijibilidádi.

**Etápa 2:** Prupostas kompletu debe ser prienxidu y inviádu iletrónikamenti através di bazi di dádus di jiston di subsídus di United Way, Survey Monkey Apply (Smapply), ti 5 ora tárdi EDT di 14 di Julhu di 2023. United Way ta bai konsidera apenas prupostas submetidu ti kel prazu li, via (Smapply) y ku tudu aneksu sulisitádu.

### Apoiu y Kronograma di Kandidátu

Ikupa di United Way ta bai sta dispunivel pa apoia kandidátus, inkluzivi através di konversas, sesons informativu y oras laboral. Kes oportunidádi li é opsional y ka ta bai faze parti di ninhun avaliason. Para alén disu, bu pode manda pididus di asisténsia tékniku ô otus duvida ki bá ta parse ku prienximentu di kandidatura pa [CIHelpDesk@supportunitedway.org](mailto:CIHelpDesk@supportunitedway.org).

Simana di 8 di Maiu	Divulgason di Pididu di Furmuláriu pa Parsiria y Ilijibilidádi
Simana di 15 di Maiu	Plataforma Smapply ta abri pa organizasons ilijivel
23 di Maiu y 6 di Junhu	<p><b>Sesons Informativu:</b> Dós seson informativu idéntiku ta bai diskrebe kritérius di ilijibilidádi, dispunibiliza detalhis sobri difinisons y termus fundamental y diskrebe prusésu RFP. Nu ta bai distribui un gravason di seson pa tudu rijistádu.</p> <ul style="list-style-type: none"> <li>• 23 di Maiu pa 2 ora di tárdi <a href="#">Inskrevi li</a></li> <li>• 6 di Junhu , 12 ora <a href="#">Rijistai li</a></li> </ul>
Més di Junhu	<p><b>Konversas individual:</b> Organizasons ilijivel ta bai ser konvidádu pa ajenda un konversa di 30 minutu ku ikipa di United Way pa iexplora parsiria, diskuti oportunidádis di finansiamentu y faze purguntas sobri lujistika di kandidatura.</p>
26 y 29 di Junhu, 10 y 13 di Julhu	<p><b>Oráriu Laboral:</b> Organizasons ilijivel ta bai ten asésu a un oráriu laboral abertu na dias 26 di Junhu, 29 di Junhu, 10 di Julhu y 13 di Julhu, di 12 ora ti 1 ora y meia di tárdi. Ikupa di United Way ta bai sta dispunivel pa rispode purguntas. <a href="#">Rijista li</a></p>
14 di Julhu	Prupostas kompletu debe ser aprizentádu através di bazi di dádus di jiston di subsídus di United Way, Survey Monkey Apply (Smapply), ti 5 ora tardi EDT na dia 14 di Julhu di 2023.
Di 19 di Junhu ti 1 di Agostu	Análizi di Ikupa di United Way, sima diskritu antiriormenti

Di 7 di Agostu ti 22 di Siténbru	Análizi Kumunitáriu, sima diskritu antiriormenti
Outubru di 2023	Kandidátus ta ser notifikádu

## Análizi Kumunitáriu y Disizons

United Way ta ileva vós di kumunidádi através di ingajamentu di ikipas analistiku ki ta inklui pessoas rizidenti na kes nós 12 kumunidádi prioritáriu y pesoas ku spiriénsia di vida alinhádu ku pelu menus un di kes kuartu kaminhu pa ben istár finanseru, sima difinidu antiriormenti. Duranti més di Agostu y Siténbru di 2023, United Way ta bai nomeia rivizoris pa riuni na ikipas y avalia prupostas. Alguns ikipa ta bai foka na prupostas di ses rijion lokal, sima Merrimack Valley ô North Shore. Otus ikipa ta bai ser organizádu di akordu ku ses via pa ben istár finanseru. Pur izénplu, prupostas di prugramas ki ta aborda perkursus di adulisintis y jovens adultu ta bai ser analizádu pa un ikipa di jovens adultu. United Way ta rikumenda autoris di RFP pa leba en konsiderason analizadoris kumunitáriu sima publiku prinsipal di pruposta.

Ikipa di United Way ta bai identifika prupostas más alinhádu ku prioridádis diskrebedu na RFP y ta bai inkaminha-s pa análizi y avaliason kumunitáriu. Ikipas di análizi kumunitáriuta bai uza ses tenpu djuntu pa diskuti prupostas y partilha ses pirspetiva pa da un kontributu kritiku pa prusésu di finansiamentu; es ka ta meste ten di txiga a un konsensu. Pontuason di análizis individual ta bai ser rikolhidu y uzadu pa kria un portfolio pa finansiamentu final a ser aprovádu pa ikipa senior di lideransa y pa Konsehu Administrativu di United Way. Nu ta rezerva direitu di ikilibra portfolio pa garanti un distribuison ekuitativu di subvensons entri prioridádis y kumunidádis.

## Aneksu A : Indikadorsi di Justisa Ikunómiku

Massachusetts ten un ikunomia rubustu. Apizar di okupa un lugar elevádu en termus di rikeza, el ka ta konsigi konkretiza se putensial komu ikunomia inkluzivu. Dizigualdádis é significativu en konparason ku nason en jeral – y ti komparádu ku otus stadu di New England. Siginti tabela ta mostra bareras pa oportunidádi finanseru universalmenti dispunivel y prosperidádi konpartilhádu entri rasas y etinias. Nu ta konvida-u pa bu faze riferénsia a kes indikador ô kes di bo propi na oras di diskreve bu vizon di justisa ikunómiku. Tudu indikador é di Massachusetts na 2021, salvu indikason kontráriu.

<b>Indikadoris di Ben istár Finanseru y Prosperidádi Konpartilhádu</b>
<ul style="list-style-type: none"> <li>• Apenas 40% di rizidentis rilata ma es sta satisfetu ku ses atual kondison finanseru.<sup>1</sup></li> <li>• Massachusetts ten un di kes koefisienti di dizigualdádi abitasonal más altu di pais. Famílias ku rendimentu más altu (persentil 80) tinha rendimentu 5,68 bés más altu ki familias ku rendimentu más baxu (persentil 20).<sup>2</sup></li> </ul>
<b>Indikadoris di Inkluzion Ikunómiku y Konstruson di Rikeza</b>
<ul style="list-style-type: none"> <li>• 81% di rizidentis branku y 56% di rizidentis di kor rilata ten pelu menus \$2,000 na poupanza.<sup>3</sup></li> <li>• 17% di rizidentis rilata ten divida na kobransas. Apizar di kel média li ser más baxu ki média nasional di 26%, kumunidádis di kor é dós bes más provável di rilata divida na kobransas.<sup>4</sup></li> <li>• Pontuason médiu di kréditu na kumunidádis di kor era di 677, en konparason ku 738 na stadu interu.</li> </ul>
<b>Indikadoris di Edukason Pré-Skolar y Prugramas di Piriudu Extra-Skolar</b>
<ul style="list-style-type: none"> <li>• Na 2022, kustu médiu di jardin pa 2 kriansa na Massachusetts foi di 42% di rendimentu médiu di un agregádu familiar di stadu.<sup>5</sup></li> </ul>
<b>Indikadoris di Edukason y Perkursus Prufisional na Adulisentis y Jovens Adultu</b>
<ul style="list-style-type: none"> <li>• Na 2020, 10.6% di jovens entri 16-24 anu konsiderádu diskonektádu – tantu ku skola komu ku trabadju. 64% di juventudi diskonektádu na ária di Boston.</li> <li>• Jovens Pretu (17%) y Latinu (20.4%) infrenta taxas más altu di diskonekson du ki jovens Branku (8.2%) y Aziátiku (4.9%).<sup>6</sup></li> </ul>
<b>Indikadoris di Abitason Siguru y Istável</b>
<ul style="list-style-type: none"> <li>• Na Feveréru di 2022, 18% di jovens adultu diklara ten poku ô nenhum speransa na konsigi paga ses prósimu renda ô ipotéka a tenpu.</li> <li>• 18% di agregadus familiar staba ixtremamenti sobrikaregádu, ta gasta 50% ô más di ses rendimentu familiar na abitason.<sup>7</sup></li> <li>• Pesoas ki ta identifika komu Pretu, Afro-Merkanu, Afrkanu y Multirasial ta riprizenta 41% di pupulason dizalojádu, mas es é apenas 12% di pupulason total.<sup>8</sup></li> </ul>

## Notas Final

---

<sup>1</sup> Lin, J. T., Bumcrot, C., Mottola, G., Valdes, O., Ganem, R., Kieffer, C., Lusardi, A., y Walsh, G. (2022). Kapasidádi Finanseru na Merka: Distákis FINRA Foundation National Financial Capability Study (Studu sobri Kapasidádi Finanseru Nasional di Fundason FINRA) (5° Edison). Fundason. [www.FINRAFoundation.org/NFCSReport2021](http://www.FINRAFoundation.org/NFCSReport2021).

<sup>2</sup> Análizi di America's Health Rankings of U.S. Census Bureau (Gabineti di Senu di Merka), American Community Survey, United Health Foundation, AmericasHealthRankings.org. Konsultádu na 28 di Marsu di 2023.

<sup>3</sup> Mingli Zhong, Aaron R. Williams, Alexander Carther, Breno Braga y Signe-Mary McKernan. 2022. "Financial Health and Wealth Dashboard: A Local Picture of Residents' Financial Well-Being." Asesível na <https://apps.urban.org/features/financial-health-wealth-dashboard>.

<sup>4</sup> Debt in America (Divida na Merka): An Interactive Map, The Urban Institute (Un Mapa Interativu, Institutu Urbanu). Ultimu Atualizason na 23 di Junhu di 2022. Konsultadu na Marsu di 2023.

<sup>5</sup> Ibid.

<sup>6</sup> Lewis, Kristen. A Disrupted Year (Un Anu Konturbádu): Modi ki Xegáda di Covid-19 Afeta Diskonekson Juviniil. Nóva Iorki: Measure of America, Social Science Research Council (Konselhu di Piskiza pa Siéncias Susial), 2022.

<sup>7</sup> US Census American Housing Survey \*Inkérítu Merkanu sobri Abitason di Senu di Merka\* (AHS) 2021.

<sup>8</sup> Massachusetts Rehousing Data Collective Public Dashboard (Painel di Kontrolu Publiku Kuletivu di Dádus di Rialojamentu di Massachusetts), 1° trimestri di 2022.